



Broj: 04-14-3733-2/19
Sarajevo, 29.04.2019. godine

Na temelju čl. 69. stavak (3) i 70. st. (1), (4) i (6) Zakona o javnim nabavama Bosne i Hercegovine („Službeni glasnik BiH“, broj 39/14) i članka 17. Statuta Federalnog zavoda za zapošljavanje, a po Zahtjevu za dostavu ponuda putem otvorenog postupka za javnu nabavu bankarskih usluga za vođenje platnog prometa putem transakcijskih računa, ravnateljica donosi

ODLUKU

o poništenju postupka nabave

Članak 1.

Poništava se otvoreni postupak javne nabave broj: 04-14-3733/19 od 04.04.2019. godine, skupa sa Obavještenjem o nabavi broj: 940-1-2-21-3-12/19 objavljen na Portalu javnih nabava dana 10.04.2019. godine, a koji se odnosi na pružanje bankarskih usluga za vođenje platnog prometa putem transakcijskih računa.

Članak 2.

Otvoreni postupak otkazuje se u skladu sa člankom 69. stavak (3) Zakona o javnim nabavama BiH, odnosno zbog razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabave.

Članak 3.

Ova odluka objavit će se na web stranici www.fzzz.ba shodno članku 70. stavak (6) Zakona o javnim nabavama BiH.

Članak 4.

Ova odluka stupa na snagu danom donošenja.

O b r a z l o ž e n j e

Postupak javne nabave pokrenut je Odlukom o pokretanju postupka javne nabave bankarskih usluga za vođenje platnog prometa putem transakcijskih računa broj: 04-14-3733/19 od 04.04.2019. godine.

Javna nabava je provedena putem otvorenog postupka.

Procijenjena vrijednost nabave bez PDV-a je 150.000,00 KM (slovima: stotinupedesettisuća konvertibilnih maraka).

Ugovorno tijelo je izvršilo objavu na Portalu javnih nabava dana 10.04.2019. godine, Obavještenje broj: 940-1-2-21-3-12/19 i istovremeno objavu na web stranici Zavoda.

Dana 29.04.2019. godine, Povjerenstvo za javne nabave zaprimilo je od Sektora za financije Federalnog zavoda za zapošljavanje Dopis broj 05-14-4679/19, te od Jedinice za informacijske tehnologije Dopis broj: 07-14-4633/19 od 25.04.2019. godine.

Dopisom Jedinice za informacijske tehnologije Povjerenstvo za javne nabave obavješteno je da se u Federalnom zavodu za zapošljavanje i kantonalnim/županijskim službama za zapošljavanje provodi postupak implementacije novog informacijskog sustava. Na osnovu potreba i zahtjeva kantonalnih/županijskih službi za zapošljavanje za doradom aplikacije, konkretno na modulu Aktivnih politika za zapošljavanje (APZ), došlo je do kašnjenja odnosno prolongiranja rokova u samoj implementaciji ovog modula. Trenutno se radi na usaglašavanju postavki i testiranju ovog modula sa kantonalnim/županijskim službama za zapošljavanje.

Nakon usaglašavanja, i testiranja ovog modula sa službama za zapošljavanje, stvorit će se uvjeti za integraciju ovog modula sa trezorskom aplikacijom ISFU.

Te se traži obustava postupaka nabave bankarskih usluga sve dok se do integracije nove postavke Aktivnih politika za zapošljavanje sa aplikacijom trezorskog poslovanja, kako bi se u konačnosti mogla definirati konkretna tehnička specifikacija potreba za bankarskim uslugama, a koja bi bila sastavni dio tenderske dokumentacije.

Rukovoditelj Sektora za financije Dopisom broj 05-14-4679/19 od 29.04.2019. godine, a u vezi sa Dopisom Jedinice za informacijske tehnologije ističe da 95% novčanih transakcija potiče iz modula Aktivne politike zapošljavanja te predlaže obustavu postupka javne nabave do integracije modula Aktivne politike zapošljavanja sa trezorom Zavoda, kada će biti poznate nove postavke plaćanja prema bankama, te nova tehnička specifikacija.

Imajući u vidu naprijed navedeno, a kako je do kašnjenja u implementaciji Jedinistvenog informacijskog sustava došlo iz razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabave, ugovorni organ stavlja van snage postupak nabave bankarskih usluga za vođenje platnog prometa putem transakcijskih računa dok se ne steknu uvjeti za definiranjem tehničke specifikacije u skladu sa potrebama nakon implementacije jedinstvenog informacijskog sustava sa modulom aplikacije za trezorsko poslovanje ISFU.

Iz navedenih razloga, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba, najkasnije u roku od deset dana od dana objave na web stranici.

Ravnateljica
Helena Lončar



Prilozi: Dopis broj: 07-14-4633/19 od 25.04.2019. godine
Dopis broj: 05-14-4679/19 od 29.04.2019. godine.

JEDINICA ZA INFORMACIONE TEHNOLOGIJE

Broj: 07-14-4633/19

Sarajevo, 25.04.2019. godine

KOMISIJI ZA JAVNE NABAVKE

N/p g-dina Davor Biljaka

Predmet: Zahtjev za poništenje postupka Javne nabavke, traži se

Poštovani,


Kao što ste upoznati u Federalnom zavodu za zapošljavanje i kantonalnim/županijskim službama za zapošljavanje provodi se postupak implementacije novog informacionog sistema. Na osnovu potreba i zahtjeva kantonalnih/županijskih službi za zapošljavanje za doradom aplikacije, konkretno na modulu Aktivnih politika za zapošljavanje (APZ), došlo je do kašnjenja odnosno prolongiranja rokova u samoj implementaciji ovog modula. Trenutno se radi na usaglašavanju postavki i testiranju ovog modula sa kantonalnim/županijskim službama za zapošljavanje.

Nakon usaglašavanja, i testiranja ovog modula sa službama za zapošljavanje, stvorit će se uslovi da se pristupi integrisanju ovog modula sa trezorskom aplikacijom ISFU.

S obzirom na navedeno, a imajući u vidu da je raspisan postupak nabave bankarskih usluga, vođenje platnog prometa putem transakcijskih računa Federalnog zavoda za zapošljavanje, molimo Vas da Ugovorni organ obustavi postupak nabave pomenutih usluga sve dok se do kraja ne integrišu nove postavke Aktivnih politika za zapošljavanje sa aplikacijom trezorskog poslovanja, kako bi se u konačnosti mogla definisati konkretna tehnička specifikacija potreba za bankarskim uslugama, a koja bi bila sastavni dio tenderske dokumentacije.

S poštovanjem,

Jedinica za informacione tehnologije



SEKTOR ZA FINANSIJE
Broj: 05-14-4679/19
Sarajevo, 29.04.2019. godine

POVJERENSTVO ZA JAVNE NABAVKE
Predsjedniku povjerenstva
N/p Davor Biljaka

Predmet:

Veza: Zahtjev Jedinice za informacione tehnologije za poništenje postupka Javne nabavke broj: 07-14-4633/19 od 25.04.2019. godine

Poštovani,

Našim aktom broj: 05-49-3634/19 od 28.03.2019. godine, dostavili smo Zahtjev za pokretanje postupka Javne nabavke bankarskih usluga, vođenje platnog prometa putem transakcijskih računa Federalnog zavoda za zapošljavanje, s obzirom da postojeći Ugovor ističe u avgustu mjesecu 2019. godine. Dana 25.04.2019. godine, Jedinica za informacione tehnologije dostavila je akt broj: 07-14-4633/19 od 25.04.2019. godine po kojem se traži poništenje postupka Javne nabavke, s obzirom na kašnjenje u implementaciji novog JIS-a, tačnije kašnjenja u implementaciji modula „Aktivnih politika za zapošljavanje u Federaciji BiH“, te njegovo integrisanje sa trezorskim sistemom poslovanja u Zavodu.

S obzirom da se radi o najbitnijem modulu, modulu putem kojeg se vrši realizacija aktivnih politika za zapošljavanje kroz trezorski sistem poslovanja u Zavodu, a imajući u vidu činjenicu da 95% novčanih transakcija potiče iz ovog modula i dolazi u trezorski sistem na konačnu realizaciju, smatramo da se postupak mora obustaviti do konačne implementacije pomenutog modula integrisanog sa trezorom.

Potrebno je napomenuti, da prilikom planiranja Javne nabavke za 2019. godinu i pokretanje samog postupka nabavke bankarskih usluga nije se mogla predvidjeti činjenica da će se kasniti sa implementacijom ovog modula.

Nakon integrisanja modula aktivnih politika za zapošljavanje sa trezorom u Zavodu, biće poznate nove postavke za plaćanje u trezoru prema bankama, sačinjit će se nova precizna tehnička specifikacija bankarskih usluga i pripremiti novi tender za odabir najpovoljnije Banke za pružanje bankarskih usluga, vođenje platnog prometa putem transakcijskih računa Federalnog zavoda za zapošljavanje.

Imajući na umu prednje navedeno dalji postupak nabavke se nemože nastaviti dok se ne izvrši puna implementacije i testiranje APZ-a, te smatram da se isti treba obustaviti.

Rukovodilac

Sektora za finansije

Sarajevo, 29.04.2019. godine